







*Γαμήλια*

IN SOLENNEM NVPTIARVM  
FESTIVITATEM, VIRI, RELIGIOSA  
pietate, pia eruditione, eruditaq; do-  
ctrina, & virtute ornatissimi, Domini

**V A L E N T I N I**  
ENCHII, COLLEGÆ ET  
Cantoris Scholæ Cizensis dignissimi,  
SPONSI, Matrimonium contrahentis,

C V M

*Honestissima, Pudicissimaq; virgine*

**C A T H A R I N A,**

Viri honesti MICHAELIS MACHTII,  
Ciuis quondam Cizensis P. M. relicta  
filia, SPONSA


*Celebratarum Calend. Decembribus,*  
*Anno à Christo nato M. DC. I.*


Moris, honoris & amoris ergò de-  
cantata ab amicis, Collegis,  
& discipulis.


✠ (\*) ✠

L I P S I Æ,

*Excudebant hæredes FRANCISCI SCHNELBOLTZ I,*  
Typis hæredum BEYER I.





  
 CAR  
 Vig  
 Terr  
 Hic  
 DEY  
 Qua  
 Prec  
 Pra  
 Ac b  
 Ope  
 Vbi  
 Ne non  
 Sua  
 Qua  
 Ipsa  
 Quo  
 In b  
 Sed  
 Ne pra  
 Ter  




CARMINA NVPTIALIA.

**Q**uisquis cupit vitæ suæ traducere,  
Feliciter lecto in iugali tempora  
Terris in his, necesse habet præ cæteris  
Hic omnibus, res inchoet suas prece,  
DEVM inuocando, monstret hic ut moribus  
Quæ congruat Sponsam suis, & Sponsa idē  
Precetur, ut Sponsum sibi monstret pium:  
Præsentia ornaturus est sic nuptias,  
Ac hospes affuturus est Sponsis nouis,  
Ope & secundaturus est cæptum sua,  
Vbi in DEI timore cæperint opus.

Nec non sorores tres vocent ad nuptias  
Suas: vocatur prima earum CHARITAS,  
Quæ Numini probatur, est quod Charitas,  
Ipsa q̄ vult vinc̄tos teneri coniuges:  
Quos charitate copulat DEVS toro,  
In hos molestia nihil quidquam cadit:  
Sed Charitas aduersa tollit omnia.

Nec præter est eunda, quæ cælum regit,  
Terramq̄, cælo copulat CONCORDIA.

A 2 Si




*Si sponse cum sponsa hanc tua susceperis,  
Ipsa ambiet vestrum torum, ac vos fœdere  
Amoris arctiore iunget, gaudijs  
Vt litium vestris nihil se immisceat.  
Nam cœperit regnare ubi lis, spes erit  
Sublata pacis omnis: at Concordia  
In qua domo sedem locat, lis exulat.  
Spernenda verò CASTITAS nullo est modo,  
Hac quò minus vestris vocata nuptijs  
Intersit, ipsa namq; missa cœlitus,  
Mandante cœlesti docebit Numine,  
Vos coniuges factos pudicè viuere,  
Ipsi placere si velitis Numini.  
Gaude Valentine ergò quòd datur tibi  
A puritate cui datum est nomen, pia  
Et casta sponsa, quæ pudicis moribus  
Ornata, & ortâ est ex pijs parentibus.  
Gaudeq; sponsa intra tuum cor, quòd DEVS  
Sponsum tibi largitur & piûm, & bonum.  
Preces ab intimoq; corde fundite,  
Aspiret ut vestris DEVS conatibus.  
Faxit DEVS, voto ut meo respondeat*

*Euen-*



*Euentus: ut uiuatis annos Nestoris,  
Et prole vos multa parentes augeat  
DEVS: velint & interesse nuptijs  
Vestris sorores, quas modo recensui,  
EICHARITAS, CONCORDIA atq; CASTITAS.*

Simon Donnerus Mittvveidensis,  
Cizæ Verbi diuini Minister.




A L I V D.

**Q**uid Laërtiadæ Socijs dedit hispida terga,  
Pandaque fetigeris rostra, Thalia refer?  
Filia Solis erat: dedit hæc mera pocla, bibebant,  
Ilicet occipiunt colla tumere toris.  
Rectius Eurylochus refugit: Ioue natus, Vlyssi  
Moly dat: hinc socijs pristina forma redit.  
Hæc quid Mnemosyne? SOCIJ, sunt cæca Iuuentus,  
Vana voluptatis gaudia, POCLA notant.  
Ipsa, voluptatum genitrix, Titania CIRCE,  
Pocla, quibus capitur cæca iuuenta, parat.  
EURYLOCHVS data pocla fugit: Studiosa iuuentus  
Disce: fuge illecebras, insidiasque fuge.  
MOX LAERTIADES dat ad æthera vota: Iuuentus  
Discito vota Deo reddere: MOLY docet.  
Oedipus elusit sphyn gem: quid Sponse putandum,  
Fallor? Atlantiaden consuluisse tibi?  
Nam velut Eurylochus cautè vestigia lustrat:



Sic tua, suspenso visa fuere gradu.  
At nec Atlantiades: Christi charis alma iugandam  
Dat CATHARIN: Charitum muneris instar habe.  
Digna reperta toro CATHARIS: dignare repertam  
Sponse, verecundi ferta pudoris ama.  
Viuite turturibus similes: lectissima lecti  
Pignora ferte solo, pignora ferte polo.

M. Adamus Reinhardus  
Scholæ Cizensis Rector.



A L I V D.

**I**am nil succurrit, placida nisi fœdera pacis,  
Pax homini larga dat bona cuncta manu.  
Hanc tibi Sponse precor, mensa thalamiq; ministram,  
Et tua sponsa ferat, quod tibi sponse precor.  
Pax studia ad tua te semper comitetur euntem,  
Atq; tuam sponsam ducere fila iuuet.  
Omnia complectar: gressus pax dirigat omnes  
Enchiacos, omnes Enchiacasq; vias.  
Vnum subyciam: Natis hilarate penates,  
Est sine prole domus, ceu sine sole polus.  
Ergo, scatet teneris plantis ut fertilis hortus,  
Sic decoret vestros multa propago lares,  
Viuite felices, pylly senis exige tempus  
Sponse, Sibyllinos Enchia sponsa dies.

M. Vlricus Bauer,  
Scholæ Patriæ Collega.

ALI-



A L I V D.

**M**Aste sis castis bone. Christe tædis,  
Mutuas nutri Deus alme flammæ,  
Enchius grates tibimet frequentat  
Machtiaæ amplexu pueræ potitus :  
Accinit grates Catharina , gaudens  
Se Valentini facibus potitam.  
Cynnamum Nardoq; vti temperatur,  
Et fauo miscetur vti Falernum  
Attico vinum : secus haud dolorem,  
Gaudium nec non toleretis ambo  
Fortiter , magnoq; animo ac virili.  
Atq; ceu viti sociatur vlmus,  
Quo modo muris hederæ implicatur :  
Vinculo sic perpetuo liget vos  
Pax, fides, par atq; eadem voluntas.

A D S P O N S V M.

**Q**uam tibi Sponse, venit tua nunc in tempore Sponsa,  
Quam tibi nunc apto tempore Sponsa venit.  
Cum lectis nunc insit hyems, cum frigora lectos  
Nunc intrent , lectos cum penetretq; gelu :  
Sponse suo poterit te Sponsa fouere calore,  
Ignis enim Sponsæ sat fore credo tuæ.  
Hanc lateri validis aptes modò Sponse, lacertis,  
Fortior in gemino corpore feruor inest.

*Athanasius Fabr.*

*Cizensis Scholæ Baccalaureus.*

ALI.



A L I V D.

**N**unc nouenarum chorus ut sororum  
De sacro gressus Helicone flectat,  
Et nouis Sponsis hymenaea pangat,  
Corde precamur.

Aeq; coniungat pia vota nostris,  
Vt Deus, vincli socialis author,  
ENCHII fœdus thalami secundet  
Omine fausto.

Absit Asmodes socij ignis hostis,  
Absit hic omnis rabiosa rixa,  
Absit aduersæ rabidæq; sortis  
Sarcina dura.

Adsit ambobus chorus Angelorum,  
Adsit ambobus cor idem, ardor idem,  
Adsit ambobus bona sors iugatis  
Omne per auum.

Proferat multos pia Sponsa fructus,  
Ceu solet vitis bene culta ferre,  
Sedulum quando exhilarat colonum,  
Tempore messis.

Nestoris Sponsus superet senectam,  
Et Sibyllinos noua Sponsa soles,  
Vt Deo lati, seriem nepotum  
Quando recensent.

Mente persoluant memori placentes  
Gratias, donec capietur illis  
Aura, & æterna reuerenter ornent  
Numina laude.

Georgius Seidelius Crossensis.

ALI-



A L I V D.

**A**D se res sacras rapiens Dionysius atrox,  
 Aurea amicta Ioui dempsit Olympiaco.  
 Hæc ad magnanimum subito misitq; Lylandrum,  
 Spartani fuerant cui data sceptrâ soli.  
 Ipfius vt natæ, preciosæ munere vestis,  
 Acciperent formas, egregiosq; procos.  
 Ast iterum misit tali cum voce Lylander,  
 Innocuas posset quò retinere manus.  
 Ah vereor, ne dedecori plus quàm decori, illa  
 Aurea natabus sint tegumenta meis.  
 Malo timore Dei, probitate, pudore tegantur,  
 Et circumdentur veste pudicitia.  
 Sunt etenim pietas vestis perpulchra puellis,  
 Fama, pudor, virtus, laus, honor, atq; decus.  
 Tali vestitu, tali decorata nitore,  
 S P O N S E tibi virgo iam CATHARINA datur.  
 Veste pudicitia quam, quam pietatis amictu,  
 Vnguibus à teneris induit ipsa parens.  
 Ergo tibi V A L T I N E Precor prosperrima quæq;  
 Opto sponsa simul commoda tanta tibi.  
 Conditor, ornauit qui fecit & omnia, vobis  
 Auxilium miti præbeat vsq; manu.  
 Ne lites spargat Satanas vtrinq; dolosus,  
 Sed vestrum seruet pax sine lite torum.  
 Hæc mea vota: meis votis D E V S annuat, & vos  
 Aeternos faciat viuere in orbe dies.

*Martinus Schindlerus*  
*Naumburgensis.*

B

ALI-



Tenif.  
 Ali-

A L I V D.

**C**ertè est coniugij sani DEVS autor, amicam  
 Cur igitur cessas ducere SPONSE tuam?  
 Carne duos una cœli vult viuere Numen.  
 Hinc SPONSAM elegit iam quoq; SPONSE tibi.  
 Cur? (fortasse rogas) quia noctis frigora laedunt,  
 Ponentem vacuo iam sua membra thoro.  
 Ergo age ne cesses thalamo tibi iungere SPON-  
 Quam DEVS è multis eligit ipse tuo. (SAM,  
 Dulces hac poteris cantus resonare puellâ,  
 Hæc te longæuum carmine blanda facit.  
 Hæc quoq; felilem faciet te prole parentem,  
 Natos ut videas mensam onerare tuos.  
 Gratulor ergo tibi iam dilectissime SPONSE,  
 Atq; precor tædis omnia fausta tuis.  
 Secula = pares animis ac ——— | vita  
 Gaudia viuatis, sit = hora mali.

David Göpner VVeidensis,  
 eiusdem Scholæ alumnus



A L I V D.

**V**ora valent animis, animis pia vota piorum  
 Consurgunt, superos atq; mouere valent.  
 A st pro coniugibus, legem qui pectore seruant  
 A uthoris thalami, plus pia vota valent:  
**L**audentur merito castissima foedera castæ  
 Tædæ, quæ cunctos voce beare decet.  
 Ergo **S**PONS E tua cum sponsa vota precesq;  
 Hisce meis votis iungc calore pio.  
 Nam quoq; sint vobis coniunctis vincula dextris,  
 A mbos vos casto iunxit amore **D**EVS.  
**T**u iam **S**PONS E tuam solam hanc amplectere sponsam.  
 R itè, decens cuius spirat ab ore pudor.  
 Iam iam **S**PONS A tuum sincerè dilige sponsum,  
 I ngenium cuius Musica grata probat.  
**N**omine qui superat multos, & voce Thalix,  
 N ota qui præstans religionè, fide.  
**O**gratum fatum, ter iò coniunctio grata,  
 A mbos vnanimi viuere carne iubens.  
 Ergo torus vester felix, dum robora tellus,  
 D um voluet liquidas curuus **E**L I S T E R aquas.  
**N**on procul à thalamo pax & concordia mitis  
 A bsint, & socio pectore iuncta Fides.  
**G**audia vestra minus fallax turbabit Erinny,  
 T urbabit vestram nulla procella ratem.  
**I**nnocux vobis producant stamina Parcx,  
 V t videant pylios secula vestra dies.  
**O**mnia succedant dextrè & dulcedine tædæ  
 R orent melliflux: lacte, meroq; **P**R E C O R.

ΑΝΑΓΡΑΜΜΑΤΟΧΑΡΙΕΝΤΙΣΜΟΣ  
 εις τους νεονύμφες.

**Β**ΑΛΗΝΤΙΝΟΣ ὁ ἀναγραμματισμολογός.  
**Κ**ΑΘΑΡΙΝΑ

B 2 2. 08.




Ῥ. ὄρκια ἄρ βλαστῆρ ἄϊρ.

**K**ηρὶ εἰλῆ καθαρῶ καθαρῶ, ὦ νυμφίε, νύμφιω.  
Νυμφίον, ὦ νύμφη, ἦτορὶ σέγγε τέον:  
Τὸτ' εἰσίδωρ ἴν' ἀνῆρ πᾶς τοῖον μῦθον εἶπῆ:  
ΑΝ ΒΛΑΣΤΗΝ ὑμῶν Θ' ΟΡΚΙΑ ΠΙΣΤΑΙΝ.

*Distichon Annum, Mensem, Diem & Nomina  
νεογέμων complectens.*

Sponsa Valentino sponso Dat Vr, en Katharina,  
Abert Vbi Mensis Venit ab axe priVs.

*Casparus Rulingus,  
Schole Cizensis Alumnus.*



A L I V D.

**Q**uis toto fatis melioribus utitur orbe?

Cui dabitur coniux, pura, pudica, pia.

Quis toto fatis peioribus utitur orbe?

Cui dabitur coniux, impia, spurca, mala.

Pura, pudica, pia, at cui sponso iungitur, uxor?

Qui colit æterni iura sacrata Dei.

Impia, spurca, mala, at cui sponso iungitur, uxor?

Qui spernit superi iura sacrata Dei.

Illius quænam sunt oblectamina vite?

Exhilarat pectus, tristia cuncta fugat.

Ast huius quænam miserae sunt tædia vite?

Excruciat pectus, tristia cuncta parit.

Ergo SPONSE nimis fœlix, quia contigit uxor

Votis, quæ verè est, pura, pudica, pia.

Hanc utraq, manu, complexuq, asserere toto,

Huius lacteolis oscula fige genis.

Tu quoq, SPONSA pari SPONSVM complectere amore,


Pars etenim illius corporis, ille tui, est.

*Ipse*



*Ipse tibi nomen, proprio de nomine fingit,  
Ipso cuncta tibi, gloria, fama, venit.  
Fausta precor tandem socialibus omina tedis,  
Pax concors vigeat, floreat alma Charis,  
Reddite formosos natos sub luminis auras,  
Viuite Tantalida secula longa senis.*

Iohannes Hurnesius, Francus.



A L I V D,

VALENTINVS S P O N S I    ἀναγκασματιζόμενοι  
CATHARINA    N O V I    και διαλέγοντες.

AN NON LAVTE CHARIS IPSA NOS VNIVIT?

Spon-  
fus. **O** Nimium felix, ô terque quaterque beatus,  
Si quis habet, quod amat, si quis amat, quod habet.  
Creditor hoc etenim vitæ pars magna beata,  
Cui datur æquali coniuge posse frui.  
Numne Ego sum felix, & ab omni parte beatus,  
Quod cadis in casses S P O N S A petita, meos?  
C I Z E N S E S inter longè pulcerrima N Y M P H A S,  
O C A T H A R I N A, mihi Te sine, nulla placet.  
Es pia, Teque pij S P O N S A M genuere parentes,  
Es pura, hinc nomen nobile & omen habes.  
Omnia delectant tua me, tua mens, tua membra,  
Sunt placidi mores, mens pietatis amans.  
Atque studēs parili mecū contendere flamma:  
Charior hisce, oculis es N E O N I M P H A, mihi.  
Vna caro, mens vna, cor vnum, pectus & vnum,  
Vnus & amborum in pectore viuit amor.  
Mirum! L A V T E A N N O N V N I V I T N O S C H A R I S I P S A:  
Sic est! à D O M I N O Tu mihi S P O N S A, venis.  
Es fatale D E I donum, cœlestique munus,  
G R A T I A quod donat cœlitus ipsa D E I.  
Cur? quia coniugij D E V S author & auctor amoris



Est casti, votum qui cupit omne ratum,  
 O iubar optatum, centeno nomine faustum,  
 Intrat in thalamos quo CATHARINA, meos.  
 Sponsa SPONSE, quidem nostræ tribuis iam premia formæ  
 Maxima, sunt verbis multa minora tuis.  
 Immo sum felix tecum ter & amplius IPSA:  
 Namque mihi video, Te pietate parem.  
 Summa fides in Te, constantia magna, Tibique  
 Sedulitas curæ est: nullus in ore dolus.  
 Et nobis pius est amor: ANNON cœlica LAVDE  
 VNIVIT SPONSOS NOS CHARIS IPSA NOUOS?  
 Spon- Ergo sit CATHARINA, mihi iucunda voluptas  
 sus. Tecum, me SPONSVM, SPONSA, decenter ama.  
 Est mihi cura tui, dum Spiritus hos regit artus:  
 Sedula, fac, rursus sit tibi cura mei.  
 Spon- SPONSE, mihi satis es Crœsæo carior auro:  
 sa. Spes mea: Te felix coniuge, semper ero.  
 Et gnauam Sortis sociam me semper habebis:  
 Seu mihi vita breuis, seu mihi longa manet.

COROLLARIUM.

Quod tandem restat, vestro nunc grator honori,  
 Gratulor, & SPONSIS prospera multa precor.  
 Aspiret vobis CŒLESTIS GRATIA: casto  
 ENCHI, te recreet nunc CHARIS alma thoro.  
 En pulcram, puram, pura qui mente petisti:  
 En pulcram, puram suscipe SPONSE, sinu.  
 Ille velut te, sic SPONSVM tu dilige SPONSA,  
 Cuius tu vitæ dulce leuamen eris.  
 IPSE gregem tenerum doceat. quem nactus, adornet  
 Spartam, sitq; CHOROGNAUUS & vsque THORO.  
 Viuite vos, florete, vigete, virete, valete,  
 Mitis & adsit æquus, tristis at absit ægle.

Georgius Arnold, Scholæ  
 Cizensis alumnus F.

ALI-



A L I V D.

VALENTINVS }  
ENGIVS } ἀναστασιματιζούλω.

EN VNVS VALET IGNIS.

**F**le via vi crebro, sit verbis sapè: sed VNVS  
EN IGNIS plus, quàm verbaq, visq, VALET.  
Nam neq, vim neq, verba penes reuocare parentes  
Primos: Christi VNVS, qui VALET IGNIS, erat.

IGNIS quem torret, nec vim nec verba veretur:

VNVS EN vt subeat multa pericla VALET.

Sic est: sudavit Iacob ad ter lustra Rabelem

Dum petijt, caussa EN qui VALET IGNIS erat.

Ast cui non IGNIS, nil vis nil verba valebunt:

Quid! facit inuitè si facienda facit.

Cur Daphnem nec vi nec verbis flexit Apollo?

VNVS ei nam non qui VALET IGNIS erat.

Sic Sponse haud cupies Catharinam lege iugari,

VNVS si tibi non qui VALET IGNIS erit.

Sed cupis. IGNIS enim tibi, Dic ergo. EN VALET VNVS,

IGNIS sponsa mihi quòd Catharina venis.

Georgius Pfuzer Döblensis,  
alumnus Scholæ Cizensis.

A L I V D.

**C**asta DEVS mens est, casti sacra fœdera lecti,  
Mortales sanctâ lege subire iubet:  
Qui cupiunt ergo castam traducere vitam,  
Legitimi quærant vincula casta thori.  
Et quia SPONSÆ subis casti iam fœdera lecti,  
Grata DEO res est, qui regit astra poli.

Spon-

Sponsæ, Sponse, tuæ, placet hoc, & gaudia gaudet,  
Gaudet & amplexu nunc CATHARINA tuo.  
Num fiant hominum, quæras, connubia nutu,  
Rectius an fato prospiciente cadant?  
Non hominum fieri, fateor, connubia nutu,  
Sed magis æterno prospiciente DEO.  
Ecce dies iste est, pia quo tibi voce Ministri  
In thalamum sacro foedere Sponsa venit.  
Casta pio tibi virgo venit CANTOR patre nata,  
Cuius erat virtus, nota fidesq; pia.  
Hanc reuerenter ama, tollet nam ritè labores,  
Rebus in aduersis dulce leuamen erit,  
Gratulor ergo pios successus, cuncta precorq;  
Eueniant fausto sydere cœpta tibi.  
Cedat Eris, mentes firmet concordia vestras,  
Sint procul à vestro tristia cuncta thoro.  
Viuite felices longæui Nestoris annos,  
Atq; pijs Natis multiplicare domum.

*Ioannes Francus Cellrodensis.*

F I N I S.





aut emissa voce magna ex  
piravit **ps. nr.** Et uidi ce  
phi lassu e' in duo. alio me uita  
deorsu. Vides aut' e' in quo  
exadulo stabat. ga sic clamor  
expirasti ait. Ver' hic homo  
di filius erat. Erat aut' e' in  
heres de lege aliter. Me  
qs erat in me. Me' p' d' e'  
et maria. In me' p' d' e'  
yoseph man' e' salu' me  
Et cu' e' in me' p' d' e'  
eu. et misit. Me' p' d' e'  
miser q' h'ent e' in me' p' d' e'  
u' h'ent. **ex.** **E**rat  
seru e' in me' p' d' e'  
erat qd' e' in me' p' d' e'  
yoseph alio in me' p' d' e'  
decurio qd' ipse e' in me' p' d' e'  
decurio di. Et in me' p' d' e'  
me' p' d' e' et in me' p' d' e'